

Broj: 03-36-1-3245-6/26 BA

Datum, 3. 7. 2026. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Hamdije Čemerlića 2
S a r a j e v o

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Dana: 07-07-2026			
Org. jed.	Broj	Priloga	Vrijednost
05/1	-02-	386	26

n/r Editi Kalajdžić, tajnici Vlade

PREDMET: Odgovor na zastupničko pitanje Ivica Šarića, zastupnika u Zastupničkom domu Parlamenta Federacije Bosne i Hercegovine

VEZA: Vaš akt broj: 03-04-1100-1/26 od 17. 6. 2026. godine

Poštovana gospođo Kalajdžić,

Federalnom ministarstvu kulture i športa je putem Vlade Federacije Bosne i Hercegovine dostavljeno zastupničko pitanje koje je uputio Ivica Šarić, zastupnik u Zastupničkom domu Parlamenta Federacije Bosne i Hercegovine, koje se odnosi na sljedeće:

„Molim da mi se u pisanoj formi dostavi informacija sa detaljnijim obrazloženjem razloga dodijeljenih sredstava iz odluke o izboru korisnika sredstava Fondacije za muzičke, scenske i likovne umjetnosti za 2024. godinu, Sufinansiranje iz oblasti muzičkih, scenskih i likovnih umjetnosti – za fizičke osobe 3. 12. 2024. godine. Također da mi se dostavi kompletna dokumentacija pravljanja odobrenih sredstava gore navedenih odluka. Obrazloženje: Povod za ponovljeni upit je dobiveni odgovor, koji je u stvari samo informacija procedure i načina dodjele sredstava koja je svima poznata iz Javnog poziva sa dodatkom na kraju da se na predmetnu odluku Sufinansiranje iz oblasti muzičkih, scenskih i likovnih umjetnosti – za fizičke osobe 3. 12. 2024. godine., nije niko žalio. Ipak u više navrata je skrenuta pažnja na određene nelogičnosti razloga dodjele sredstava, a u objavljenoj odluci na stranici ministarstva neke stavke su obrazložene tek u samo dvije riječi“

Stoga, dostavljamo sljedeći **odgovor**:

Budući da se predmetno zastupničko pitanje odnosi na postupak dodjele i pravljanja sredstava u 2024. godini koji je provela Fondacija za muzičke, scenske i likovne umjetnosti sukladno raspisanom Konkursu za izbor korisnika sredstava, Federalno ministarstvo kulture i športa obratilo se Fondaciji sa zahtjevom za dostavljanje odgovora na zastupničko pitanje s obrazloženjem (privitak 1). Fondacija je 22. 6. 2026. dostavila Federalnom ministarstvu kulture i sporta dopis s neadekvatnim informacijama (privitak 2), nakon čega je Ministarstvo 30. 6. 2026. poslalo Urgenciju/Ponovljeni zahtjev za dostavljanje odgovora na zastupničko

pitanje (privitak 3). Dana 1. 7. 2026. Fondacija je Ministarstvu dostavila odgovor koji Vam proslijeđujemo u privitku ovog dopisa (privitak 4).

S poštovanjem,



MINISTRICA
Sanja Vlasisavljević


U privitku:

1. Zahtjev Federalnog ministarstva kulture i športa Fondaciji za muzičke, scenske i likovne umjetnosti, broj 03-36-1-3245/26 od 22. 6. 2026.
2. Odgovor Fondacije za muzičke, scenske i likovne umjetnosti Federalnom ministarstvu kulture i športa. Broj:04-3-56/26 od 26. 6. 2026.
3. Ponovljeni zahtjev Federalnog ministarstva kulture i športa Fondaciji za muzičke, scenske i likovne umjetnosti, broj: 03-36-1-3245-2 od 30. 6. 2026.
4. Odgovor Fondacije za muzičke, scenske i likovne umjetnosti, broj: 04-3-59/26 od 1. 7. 2026. godine.

Co:

- Zastupnički dom Parlamenta Federacije
n/r: Ivana Miličevića, tajnika

Broj: 03-36-1-3245/26 TM
Sarajevo, 22. 6. 2026.



Fondacija za muzičke, scenske i likovne umjetnosti

N/r Alena Čustovića, predsjednika Upravnog odbora i


Poštovani gospodine Čustović,

Vlada Federacije BiH uputila je Federalnom ministarstvu kulture i športa dopis broj: 03-04-1100-1/26, od 17. 6. 2026. godine, kojim se traži odgovor, sukladno nadležnostima Ministarstva, na zastupničko pitanje koje je postavio zastupnik Ivica Šarić, koje glasi: *Molim da mi se u pisanoj formi dostavi informacija sa detaljnim obrazloženjem razloga dodijeljenih sredstava iz Odluke o izboru korisnika sredstava Fondacije za muzičke, scenske i likovne umjetnosti za 2024. godinu, Sufinansiranje iz oblasti muzičkih, scenskih i likovnih umjetnosti za fizičke osobe 03.12.2024. god. Također da mi se dostavi kompletna dokumentacija pravljenja odobrenih sredstava gore navedenih odluka.*

Sukladno gore navedenom, molimo Vas da navedene podatke dostavite do 26. 6. 2026. godine, kako bismo mogli blagovremeno uputiti odgovor na navedeno zastupničko pitanje.

S poštovanjem,

MINISTRICA



Sanja Vlasisavljević

Privitak:

-Dopis Vlade Federacije Bosne i Hercegovine

26-06-2026
FONDACIJA
ZA MUZIČKE, SCENSKE
I LIKOVNE UMJETNOSTI
SARAJEVO

Broj: 04-3-56/26
Datum: 26.6.2026. godine

Federalno ministarstvo kulture i sporta
n/r ministrice

Predmet: Informacija kao odgovor na zastupničko pitanje

Poštovani,

Povodom odgovora na zastupničko pitanje zastupnika Ivice Šarića koje se odnosi na Odluku o izboru korisnika sredstava Fondacije za muzičke, scenske i likovne umjetnosti za 2024. godinu.

Aktom se traži detaljno obrazloženje razloga dodjele sredstava iz Odluke o izboru korisnika sredstava Fondacije za muzičke, scenske i likovne umjetnosti za 2024. godinu, kao i dostavljanje kompletne dokumentacije pravljanja odobrenih sredstava.

Odluka o izboru korisnika sredstava Fondacije za muzičke, scenske i likovne umjetnosti za 2024. godinu donesena je na osnovu Odluke o usvajanju Programa utroška sredstava s kriterijima raspodjele sredstava tekućih transfera drugim nivoima vlasti i fondovima – transfer Fondaciji za muzičke, scenske i likovne umjetnosti utvrđenog Budžetom Federacije Bosne i Hercegovine za 2024. godinu, kao i Pravilnika o procedurama i kriterijima za izbor korisnika sredstava Fondacije. Odluku je donio Upravni odbor Fondacije na 14. sjednici održanoj 3. decembra 2024. godine, nakon provedene konkursne procedure.


Javni konkurs bio je otvoren za sve zainteresirane podnosiocima prijave koji su ispunjavali propisane uslove. Sve pristigle prijave razmatrane su u skladu sa kriterijima utvrđenim Programom utroška sredstava i Pravilnikom, pri čemu su vrednovani umjetnički kvalitet i značaj projekta, doprinos razvoju muzičke, scenske i likovne umjetnosti, značaj za Bosnu i Hercegovinu i Federaciju Bosne i Hercegovine, kvalitet projektne dokumentacije, finansijska opravdanost, kapacitet podnosioca za realizaciju projekta te drugi kriteriji propisani navedenim aktima.

Na osnovu izvršene stručne evaluacije i bodovanja prijave, Upravni odbor je donio odluku kojom su sredstva raspoređena po programskim oblastima:

Visina dodijeljenih sredstava za svakog korisnika određena je na osnovu ostvarenog broja bodova, kvaliteta prijavljenog projekta, raspoloživih budžetskih sredstava i ravnomjerne zastupljenosti različitih oblasti umjetnosti, vodeći računa o ostvarivanju ciljeva utvrđenih Programom utroška sredstava.

Odluka je objavljena na službenoj internet stranici Fondacije, uz pouku o pravnom lijeku. U skladu sa Pravilnikom, protiv Odluke je bilo moguće podnijeti prigovor Upravnom odboru u roku od sedam dana od dana objavljivanja odluke, isključivo zbog osporavanja regularnosti procedure izbora i valjanosti dokumentacije. Fondacija nije zaprimila prigovore koji bi doveli u pitanje zakonitost provedene procedure.

U odnosu na zahtjev za dostavljanje kompletne dokumentacije pravljanja odobrenih sredstava, ukazujemo da Fondacija raspolaže dokumentacijom koja sadrži lične podatke fizičkih osoba, finansijske podatke, podatke o bankovnim računima, autorskim honorarima, ugovorima, računima i drugu dokumentaciju koja predstavlja zaštićene podatke.




U skladu sa odredbama Zakona o zaštiti ličnih podataka Bosne i Hercegovine, Fondacija nije ovlaštena navedenu dokumentaciju dostavljati trećim licima u cjelovitom obliku, budući da bi se time vršila obrada i otkrivanje ličnih podataka bez odgovarajućeg pravnog osnova.

S tim u vezi, nije moguće udovoljiti zahtjevu za dostavljanje kompletne dokumentacije pravljanja odobrenih sredstava u dijelu koji sadrži zaštićene lične podatke. Fondacija može dostaviti informacije da su svi projekti odobreni na programu „Sufinansiranje iz oblasti muzičkih, scenskih i likovnih umjetnosti za fizičke osobe“ uredno opravdani.

S poštovanjem,

UPRAVNI ODBOR FONDACIJE



Broj: 03-36-6-3745-2/26 SA
Sarajevo, 30. 6. 2026. godine

30. 6. 2026.
R. Nuhanović

ŽURNO!

FONDACIJA ZA MUZIČKE, SCENSKE I LIKOVNE UMJETNOSTI
n/r predsjednika Upravnog odbora, Alena Čustovića i
članova Upravnog odbora, Ante Batarila i Emira Nuhanovića

Predmet: Ponovljeni zahtjev za dostavljanje odgovora na zastupničko pitanje Ivica Šarića

VEZA: Vaš dopis broj: 04-3-56/26 od 26. 6. 2026. godine

Poštovani predsjedniče i članovi Upravnog odbora,

Federalno ministarstvo kulture i športa zaprimilo je Vaš dopis iz veze, dostavljen povodom zastupničkog pitanja Ivica Šarića, zastupnika u Zastupničkom domu Parlamenta Federacije Bosne i Hercegovine.

Uvidom u Vaš odgovor utvrđeno je da nije sačinjen u odnosu na sadržaj zastupničkog pitanja, nego se pretežito odnosi na opis postupka provedbe Konkursa i kriterija za dodjelu sredstava u 2024. godini.

S tim u vezi, molimo da dostavite odgovor koji će biti sačinjen sukladno sadržaju zastupničkog pitanja, odnosno da se očitujete na zahtjev zastupnika koji se odnosi na dostavljanje detaljnijeg obrazloženja **razloga** (zapisnici, analitika vrednovanja, rešetke i druga relevantna dokumentacija) dodjele sredstava iz Odluke o izboru korisnika sredstava Fondacije za muzičke, scenske i likovne umjetnosti za 2024. godinu – Sufinansiranje iz oblasti muzičkih, scenskih i likovnih umjetnosti za fizičke osobe od 3. prosinca 2024. godine, kao i na zahtjev za dostavljanje kompletne dokumentacije pravljanja odobrenih sredstava. Dokumentacija pravljanja finansijskih sredstava je zakonska obveza koja nema nikakve veze sa zaštitom osobnih podataka.

S tim u vezi ljubazno molimo da ne docirate niti zastupniku Ivici Šariću niti Ministarstvu glede „mogućnosti udovoljavanja“ zahtjevu/pitanju.

Budući da je Federalno ministarstvo kulture i športa u obvezi dostaviti odgovor nadležnim tijelima Federacije Bosne i Hercegovine u propisanom roku, molimo da traženi odgovor dostavite ovom Ministarstvu **najkasnije do 2. srpnja 2026. godine do 12.00 sati**.

S poštovanjem,

MINISTRICA



Sanja Vlasisavljević

02-07-2026



FONDACIJA
ZA MUZIČKE, SCENSKE
I LIKOVNE UMJETNOSTI
SARAJEVO

Broj: 04-3-59/26
Sarajevo, 1.7.2026.godine

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA
n/r ministricе Sanje Vlasiavljević

Predmet: Odgovor na dopis broj 03-36-6-3345-2/26 SA od 30. 6. 2026. godine, *dostavlja se*

Poštovana ministricе,

Povodom Vašeg dopisa broj 03-36-6-3345-2/26 SA od 30. 6. 2026. godine, kojim od Fondacije tražite dostavljanje dopune odgovora na zastupničko pitanje zastupnika Ivice Šarića, obavještavamo Vas o sljedećem.

Fondacija za muzičke, scenske i likovne umjetnosti trenutno nije u mogućnosti postupiti po navedenom zahtjevu niti dostaviti traženu dokumentaciju u ostavljenom roku, iz razloga što joj je, aktima Federalnog ministarstva kulture i Sporta i Zapisnikom o preuzimanju ključeva i zabrani korištenja uredskog prostora od 3. 6. 2026. godine, onemogućeno korištenje službenih prostorija Fondacije i obavljanje redovnih poslova.

Zbog navedenih okolnosti Fondacija nema nesmetan pristup svojoj dokumentaciji niti mogućnost redovnog obavljanja administrativnih i stručnih poslova potrebnih za pripremu traženog odgovora i kompletiranje dokumentacije.

S poštovanjem,

UPRAVNI ODBOR FONDACIJE

